

**Liafuan Badak hosi Sua Excelensia Senhor Yoshitaka Hanada, Embaixador  
Japaun ba Timor-Leste iha Okaziaun Desimu Aniversariu ba Eventu  
Komemorativu Kultural iha Centro de Convenções de Díli  
Iha Loron 17 fulan Feveiru tinan 2013**

Ohin hau sente honradu tebes atu kompartila momentu auspiziozu iha ne'e. Eventu kultural ohin nia mak kulminasaun ba désimu aniversáriu ba relasaun diplomátika sira entre ita-nia nasaun rua. Hau fiar katak alende kooperasaun ekonómika no téknika iha infrastrutura no kapasitasaun ba rekursu humanu, interaksaun sira entre povu rua ne'e hanesan vizita altu nivel nian, programa interkambiu ba joven sira sei kontinua hakle'an ita-nia amizade no solidariedade ba dékade. Iha kalan ne'e, ita sei iha apresentasaun múzika ne'ebe mak realiza ho kolaborasaun entre múziku Timor oan no Japanes sira.

Timor-Leste, ne'ebe iha dalan loos ba dezvoltamentu hafoin UNMIT retira iha tinan kotuk, nudar Japaun nia parseiru kordial ida entre nasaun sira seluk ba prosperidade no estabilidade iha reziaun Ázia Pasífiku. Japaun tau importansia ba Timor-Leste la'os deit nudar paíz amante paz nian iha reziaun ne'e, maibe mos nudar parseiru importante ida ba promosaun valor komun sira hanesan demokrasia, direitus humanus no estadu direitu nian.

Apresentasaun múzika iha kalan ne'e sei signifika harmonia ba tradisaun no kultura ita-nia paíz rua ne'e. Múziku-nain sira mos sei hato'o mensajen impresivu kona-ba ita-nia natureza ne'ebe mak insubstituível no tamba-sá mak ita preziza atu prezerva ita-nia patrimóniu natural nudar itabo'ot sira hare iha título ba eventu ne'e, *“Kuidadu ba Meu Ambiente no Kria Relasaun Kultural”*.

Hau mos hakarak partikularmente agradese ba Senhor Ego Lemos, ema ida hosi múziku-nain prominente no ambientalista iha Timor-Leste ne'ebe mak organiza eventu maravilozu ho artista Japones sira iha ne'e. Itabo'ot nia kompromisu jenerozu ne'e mak sei sai ami-nia memória inseparável ida iha okaziaun ba désimu aniversáriu ne'e.

Ikus maibe la menus importansia, hau hakarak atu taka hau-nia liafuan ho hau-nia agradesimentu espesial ba Ministru Negósiu Estranjeiru Senhor Guterres ne'ebe mak ho laran-luak mai atende eventu kultural ohin. Hau espera katak itabo'ot sira hotu haksolok ho ami iha konsertu múzika ne'e.

Obrigadu wain.

[Remata]